

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
OPĆINA BOSANSKA KRUPA
JEDINSTVENI OPĆINSKI ORGAN UPRAVE
OPĆINE BOSANSKA KRUPA

Broj: 01-40-2110/20
Bosanska Krupa, 30.3.2020. godine

P R O G R A M

dodjele subvencija poslovnim subjektima pogođenim krizom izazvanom
novim virusom korona (COVID-19) u općini Bosanska Krupa

Bosanska Krupa, mart 2020. godine

UVOD

Odlukom Vlade Federacija Bosne i Hercegovine proglašeno je stanje nesreće uzrokovane pojavom koronavirusa (COVID 19), kao i Odlukom Općinskog načelnika o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj:06-40-2112/20 od 17.3.2020. godine.

U cilju provođenja vanrednih mjera za sprečavanje i suzbijanje zarazne bolesti, te zaštite stanovništva na teritoriji Federacije Bosne i Hercegovine, a time i na području općine Bosanska Krupa zabranjeno obavljanje djelatnosti određenim poslovnim subjektima naredbama Federalnog štaba civilne zaštite broj:12-40-6-148-26/20 od 19.3.2020. godine, broj: 12-40-2-148-26-1/20 od 27.3.2020. godine, Naredbom Kriznog štaba Općine Bosanska Krupa broj:01-40-2110/20 od 18.3.2020. godine, Naredbom Općinskog štaba civilne zaštite Bosanska Krupa broj:ŠCZ-40-114/20 od 23.3.2020. godine. Također, stupanjem na snagu odluka o proglašenju stanja nesreće uzrokovano pojavom koronavirusa (COVID 19) i navedenih naredbi pojedinim poslovnim subjektima je bilo otežano ili onemogućeno poslovanje.

Takve mjere su izazvale poteškoće u poslovanju poslovnim subjektima na teritoriji općine, te je Općina pripremila paket mjera za ublažavanje negativnih posljedica.

Program dodjele subvencija poslovnim subjektima pogođenim krizom izazvanom novim virusom korona (COVID-19) u Općini Bosanska Krupa (u daljem tekstu: Program) predstavlja jednu od mjera podrške poslovnim subjektima na teritoriji općine kojima je zabranjen, ograničen, odnosno otežan rad.

Pod pojmom poslovni subjekti podrazumjevaju se privredna društva i samostalni preduzetnici.

I OPĆI USLOVI

Korisnik subvencije može biti poslovni subjekt:

- čije je sjedište na teritoriji općine Bosanska Krupa;
- kojem je zabranjeno obavljanje djelatnosti aktima Federalnog i Općinskog štaba civilne zaštite, odnosno kojima je ograničeno ili otežano obavljanje djelatnosti,

Razvrstavanje djelatnosti korisnika subvencije vršiće se u skladu sa Odlukom o klasifikaciji djelatnosti Bosne i Hercegovine ("Službeni glasnik Bosne i Hercegovine", broj: 47/10)

Program dodjele subvencija sa priložima biće objavljen na službenoj stranici Općine Bosanska Krupa.

Konačan spisak djelatnosti i vrste poslovnih subjekata na koje se primjenjuje ovaj Program, priprema Služba za obrt, poljoprivredu i poduzetništvo i biće objavljen na zvaničnoj internet stranici Općine.

II VRSTA SUBVENCIJE

1. Subvencioniranje primarne poljoprivredne proizvodnje - repromaterijala za redovnu i dodatnu sjetvu kukuruza, krompira i graha

U cilju podsticanja povećanja poljoprivredne proizvodnje na području općine Bosanska Krupa, te povećanja obima korištenja poljoprivrednog zemljišta i na taj način osiguranja stabilnog poljoprivrednog dohodaka, odnosno stabilnog životnog standard svih građana općine Bosanska Krupa. Općina Bosanska Krupa će subvencionirati:

- troškove sjetve redovnih i dodatnih površina kukuruza (sjeme, mineralno đubrivo, zaštitna sredstva),
- troškove sjetve redovnih i dodatnih površina krompira i
- troškova sjetve redovnih i dodatnih površina graha.

Shodno prednje utvrđenom izradit će se pravilnik kojim će se utvrditi visina sredstva za poticaj primarnoj poljoprivrednoj proizvodnji na području općine Bosanska Krupa, korisnici prava, kriteriji i postupak, te način ostvarivanja prava na subvenciju, a koji će se dostaviti Općinskom vijeću na razmatranje i usvajanje.

2. Subvencije komunalne naknade

U skladu sa Zakonom o komunalnim djelatnostima („Službeni glasnik Unsko-sanskog kantona“, broj: 4/11, 11/11, 13/12 i 14/17), Odlukom o komunalnoj naknadi ("Službeni glasnik općine Bosanska Krupa", broj: 2/12, 12/14, 11/18, 2/19 i 10/19) i Odlukom o utvrđivanju vrijednosti boda komunalne naknade za 2020. godinu boda komunalne naknade i ("Službeni glasnik općine Bosanska Krupa", broj: 9/19) rješenjem se utvrđuje obveznik i visina komunalne naknade za svaku kalendarsku godinu.

Općina Bosanska Krupa će subvencionirati komunalnu naknadu utvrđenu rješenjem Službe za komunalne djelatnosti, vode, zaštitu okoliša i inspeksijske poslove i to:

- samostalnim poduzetnicima kojima je naredbama zabranjeno obavljanje djelatnosti ili im je onemogućeno obavljanje djelatnosti u 100% iznosu,
- samostalnim poduzetnicima kojima je obavljanje djelatnosti stupanjem na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa bilo otežano u 50% iznosu,
- privrednim društvima kojima je naredbama zabranjeno obavljanje djelatnosti ili im je onemogućeno obavljanje djelatnosti u 100% iznosu i
- privrednim društvima kojima je obavljanje djelatnosti stupanjem na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa bilo otežano u 50% iznosu.

Shodno ovom Programu izradit će se odluka kojom će se utvrditi korisnici prava na subvenciju, uslovi, način, postupak za ostvarivanje prava, sredstava za finansiranje, nadležni organ kao i druga pitanja od značaja za pravo na privremeno subvencioniranje plaćanja komunalnih naknada, a koja će se dostaviti Općinskom vijeću na razmatranje i usvajanje.

3. Subvencije naknade za zauzimanje javne površine

U skladu sa Odlukom o privremenom korištenju javnih površina na području općine Bosanska Krupa („Službeni glasnik Općine Bosanska Krupa,“ broj: 11/17, 8/18) rješenjem/ugovorom se utvrđuje korisnik i visina naknade za zauzimanje javne površine.

Općina Bosanska Krupa će subvencionirati iznos naknade za privremeno korištenje javnih površina utvrđenog rješenjem Službe za komunalne djelatnosti, vode, zaštitu okoliša i inspekcijske poslove i ugovorom zaključenim između Općine Bosanska Krupa i korisnika javne površine i to:

- pravnim i fizičkim licima kojima je naredbama zabranjeno obavljanje djelatnosti u 100% iznosu,
- pravnim i fizičkim licima čije je obavljanje djelatnosti stupanjem na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa bilo otežano u 50% iznosu.

Shodno ovom Programu izradit će se odluka kojom će se utvrditi korisnici prava na subvenciju, uslovi, način, postupak za ostvarivanje prava, sredstava za finansiranje, nadležni organ kao i druga pitanja od značaja za pravo na privremeno subvencioniranje plaćanja naknada za privremeno korištenje javnih površina, a koja će se dostaviti Općinskom vijeću na razmatranje i usvajanje.

4. Subvencije troškova komunalnih usluga-odvoza otpada

Općina Bosanska Krupa će subvencionirati troškove komunalnih usluga-odvoza otpada i to:

- pravnim i fizičkim licima kojima je naredbama zabranjeno obavljanje djelatnosti u 100% iznosu,
- pravnim i fizičkim licima čije je obavljanje djelatnosti stupanjem na snagu Odluke o proglašenju stanja nesreće uzrokovano pojavom koronavirusa (COVID 19) na području općine Bosanska Krupa bilo otežano priznaje se subvencija u 50% iznosu.

Shodno ovom Programu izradit će se odluka kojom će se utvrditi korisnici prava na subvenciju, uslovi, način, postupak za ostvarivanje prava, sredstava za finansiranje, nadležni organ kao i druga pitanja od značaja za pravo na privremeno subvencioniranje plaćanja troškova komunalnih usluga-odvoza otpada, a koja će se dostaviti Općinskom vijeću na razmatranje i usvajanje.

5. Subvencije iznosa redovne kamate poslovnim subjektima

Općina Bosanska Krupa će subvencionirati iznos redovne kamate na kredite poslovnim subjektima, koji su u uslovima prirodne nesreće, odnosno stanja usljed epidemije korona virusa „covid-19“ naročito pogođeni i to:

- čije je sjedište na teritoriji općine;
- kojem je zabranjeno ili otežano obavljanje djelatnosti aktima Federalnog i/ili Općinskog štaba civilne zaštite, u skladu sa osnovnom djelatnošću poslovnog subjekta;
- koji ima pad prometa;
- čija je namjena kredita finansiranje obrtnih ili osnovnih sredstava, za likvidnost ili za refinansiranje kredita po navedenim osnovama i
- koji nema dospjelih, a neizmirenih obaveza prema Općini, po bilo kojem osnovu.

Shodno ovom Programu izradit će se odluka kojom će se utvrditi kriteriji, uslovi, način i postupak dodjele subvencija iz budžeta Općine Bosanska Krupa za iznos redovne kamate na kredite poslovnim subjektima, a koja će se dostaviti Općinskom vijeću na razmatranje i usvajanje.

III BUDŽET PROGRAMA

Prema izvršenim procjenama visina sredstva potrebnih za realizaciju ovog Programa iznosi oko 500.000,00 KM.

Sredstva potrebna za realizaciju ovog Programa će se planirati izmjenama i dopunama Budžeta Općine Bosanska Krupa za 2020. godinu.

Izmjene Budžeta Federacije Bosne i Hercegovine i Budžeta Unsko-sanskog kantona, kao u donošenju propisa na ovim nivoima će biti osnov za dopune ovog programa I Budžeta Općine Bosanska Krupa.

Ovim Programom je utvrđen prvi set mjera podrške poslovnim subjektima na teritoriji općine, a isti će se dopunjavati.

OPĆINSKI NAČELNIK

Armin Halitović

Dostaviti:

1. Web Općine Bosanska Krupa
2. a/a